

異疑莫作餘觀何以故汝等當知余時於彼蓮華王都尸陁林中爲諸鳥衆割捨身者豈異人乎我身是也諸比丘勿生異疑莫作餘觀何以故汝等當知余時二仙婆羅門者豈異人乎即是汝等諸比丘也諸比丘勿生異疑莫作餘觀何以故汝等當知我是余時婆羅門子摩那婆也

諸比丘是故我今爲比丘說若諸比丘知施功德及施果報應施初搏若施後搏如是而食佛說此時彼諸比丘皆大歡喜

嘉興新華書局長人印大保堂汪水東居士奉  
佛弟子王氏八娘戒名原僧發心施官金奉香  
一卷所集功德追薦夫考三光郎先君靈五  
淨土者

銀色女經  
佛說阿闍世王受決經 西晉三歲法門 法炬譯  
聞如是一時佛在羅閱祇國者闍崛山中時  
阿闍世王請佛飯食已訖佛還祇洹王與祇  
婆議曰今日請佛佛飯已竟更復所宜祇婆  
言惟多然燈也於是王乃勑具百斛麻油膏

從宮門至祇洹精舍時有貧窮老母常有至  
心欲供養佛而無資財見王作此功德乃更  
感激行乞得兩錢以至麻油家買膏膏主曰  
母人大貧窮乞得兩錢何不買食以自連繼  
用此膏爲母曰我聞佛可難值百劫一遇我  
幸逢佛世而無供養今日見王作功德巍巍  
無量無量幸逢佛世而無供養今日見王作功德巍巍

無量激起我意雖實貧窮故欲然一燈爲後  
世根本者也於是膏主加其至意與兩錢膏  
應得二合特益三合凡得五合母則往當佛  
前然之心計此膏不足半夕乃自誓言若我  
後世得道如佛膏當通夕光明不消作禮而  
去王所燃燈或滅或盡雖有人侍恒不周而  
老母所燃一燈光明特朗殊勝諸燈通夕不  
滅膏又不盡至明朝旦母復來前頭面作禮  
義手却住佛告目連天今已曉夜滅諸燈目  
連承教以次滅諸燈燈皆已滅唯此母一燈  
三滅不滅便舉袈裟以扇之燈光益明乃以  
威神引隨藍風以次吹燈老母燈更盛猛乃

上照梵天傍照三千世界悉見其光佛告目  
連止此當來佛之光明功德非汝威神所  
毀滅此母宿命供養百八十億佛已從前佛  
受決疑以經法教授開化人民未暇修檀故  
今貧窮無有財寶劫後三十劫功德成滿當  
得作佛号曰湧彌燈光如來至真世界無有

日月人民身中皆大光明宮室衆寶光明相  
照如忉利天上老母聞決歡喜即時輕舉身  
昇虛空去地百八十丈來下頭面作禮而去  
王聞之間祇婆曰我作功德巍巍如此而佛  
不與我決此母然一燈便受決何以爾也祇  
婆曰王所作雖多心不專一不如此母注心  
於佛也乃更往請佛宿勑諸園監各今晨採  
好華早送入宮至中佛便晨出祇洹徐徐緩  
行隨道爲人民說法授日中至宮有一園監  
持華適出園巷正與佛會於大道之衢聞佛  
說經一心歡喜即以所持華悉散佛上華皆  
住於空中當佛頭上佛即受決曰汝已供養

九十億佛劫後百四十劫汝當爲佛号曰覺  
華如來其人歡喜即時輕舉身昇虛空來下  
作禮畢即更自念我王爲人性大嚴急故宿  
勑我齋戒將華當以供佛而我悉自以上佛  
空手而往必當殺戒便徑歸家置空華箱於  
戶外入告婦言我朝來未食王今當殺我急  
集色月

不得行道一已受決止尔而死必生天上十方佛前無所拘制可得恣意行道王若相殺我無所恤也王聞受決便大慚怖肅然毛堅即起作禮長跪懺悔佛至宮飯食已訖呪願而去王復問祇婆曰我前請佛而老母受決今日設福而園監受決我獨何故初無所獲心甚於悞當復宣作何等功德耶祇婆曰王雖頻日設福但用國藏之財使人民之力心或貢高意或瞋恚故未得決今宜割損身中自供之具并脫纓絡十寶珠環以作寶華當與夫人太子併力合手自就功勤一心上佛佛照王至誠必得決也於是王減撤厨膳晝夜齋戒脫身上諸寶合聚諸師日前作華王及夫人太子皆自著手至九十日所作悉成勑外駕當徃上佛傍臣白言聞佛前到鳩夷那竭聞已般涅洹也王聞心大悲號涕淚哽咽曰我故至心手作此華佛雖般涅洹我故當賈詣耆闍崛山以上佛坐處展馳我意也

祇婆曰佛者無身亦無涅洹亦不常住無滅無在唯至心者爲得見佛佛雖在世間無至心者爲不見佛大王至誠乃爾佛雖般涅洹往必見佛便至耆闍崛山中見佛且悲憇垂淚而進頭面作禮以七寶華前散佛上花皆住空中化成寶蓋正當佛上佛便授與王決曰却後八萬劫劫名惠觀王當爲佛佛号淨其部如來刹土名華王時人民壽四十九小劫阿闍世王太子名旃陀和利時年八歲見父受決甚大歡喜即脫身上衆寶以散佛上曰願淨其所部作佛時我作金輪聖王得供養佛佛般涅洹後我當承續爲佛其所散寶化爲交珞帳正覆佛上佛言必如汝願王爲佛時汝當作金輪聖王壽終便上生兜術天上壽盡便下作佛在藥王刹土教授佛號旃檀人民壽命國土所有皆如淨其所部佛時授決適竟王及旃陀和利前爲佛作禮便煙然不見佛所在